

評校
音註

續古文辭類纂

七

續古文辭類纂

卷一百一十五

評校
音註

續古文辭類纂卷二十三

碑誌類七

長沙王先謙纂集

曾滌笙仁和邵君墓誌銘

位西仁和邵氏諱懿辰與國藩交二十餘年矣咸豐十年二月賊入杭州五日而復七月位西訪余祁門軍次語余以城破時盡室陷賊中賊退乃挈家東徙紹興老母考終蠡得盡禮欲乞師以援兩浙不果遂別去明年十一月杭州再陷位西之妻余恭人二子順年順國轉徙滬上余聞而迎致之安慶順年語余以城破時盡室飢困其父麾家人出避圖延宗祀亦詭詞自稱將出遂泣別不復相聞國藩心知位西烈士也必不苟免其家固知之以無定問不敢發喪同治三年二月杭州克復順年奔哭周詢具得三日不食罵賊遇害狀實以十一年十二月朔日殉難於是始除次執喪赴告遠近浙江巡撫上其事天子下詔褒卹然後知親在則避親歿則死賢者遭難如是其不苟也位西之學初以安溪李文貞公桐城方侍郎爲則擯斥近世漢學家言爲文章務先義理不事縟

氣息於昌黎爲近次
亦不失爲歐陽

色繁聲旁徵雜引以追時好。厥後以舉人仕京師。爲內閣中書。刑部員外郎。入直軍機處。與上元梅曾亮伯言臨桂朱琦伯韓數輩遊處。博覽國故。朝章其文益奧美。盤折亦頗采異己之說。以自廣。詢訪高才秀士。折節造請。交譽互證。酣恣而不厭狎。習而彌虔。然位西性故戇直。往往面折人短。以謂書籍所無。公何得漫爾不應。再糾焉。猶不獲三諫焉。無間新故。疏戚貴賤。賢否一切蹙頞相繩。人不能堪。終以此取戾於世。大學士琦善公在獄。嘗發十九事難之。大學士賽尙阿公視師廣西。手疏七不可諍之。諸公貴人病其陷。切七音直由是齟。切魚侯焉。不得安其位。咸豐四年。坐濟寧防河無效。吏議鐫職。位西旣罷歸。則大覃思經籍。纂著尙書通義。孝經通義。詩古文若干卷。飢餓圍城之中。猶著禮經通論。誦聲鏘然。徹於巷外。亂後僅得禮經一卷。文三十餘首。刻之淮安。蓋不能什之一二。餘則散佚矣。位西之曾祖王父寶勤。王父又曾父宗贊。本生父鳳儀。世著清德。有兄懿藩。早喪無子。以順年後之。有女二人。順年歸自杭州。未得父屍。大痛遺疾。同治四年六月十三日。歿於金陵。余恭人少而刲奎股療親。晚而事姑。

有聲。既痛其夫。又悲其子。七月十二日亦卒。嗚呼。傷已。國藩於是命順國與其
壻鄭興儀具位西衣冠。葬之西湖二龍山。以余恭人及順年祔。順年之妻伊氏。
前死賊中。至是亦以衣冠祔葬。銘曰。

城有時而為湖。海有時而成田。物固有非常之變。烏可以常理測彼昊天。善不
必福久矣。曾不自夫子而始。然愍東南之大戾。仁聖與螻螻而同捐。著述盡
其蕩盡。僅弔煨切烏恢燼徐刃切之殘編。文之精者不復存。存者又未必果傳。獨
其耿耿不磨之志。與日星而長懸。魂無遠而不之。魄則依妻子以全。庶上為神
祇所許。而下為百世學者之所憐。

銘詞倚天拔地

祁門

縣名屬安徽

滬

水名在江蘇上海縣東北故稱上海曰滬上

除次

除位以祭

李文貞

名光地清福建安溪人康熙進士篤信程朱所

著詩文曰

方侍郎

方苞曾任禮部侍郎也

琦善

清滿洲人曾任善鎮拿擬罪事在道光二十一年

賽尙

阿

清滿洲人洪楊發難視師廣西事在咸豐元年

濟寧

舊山東州名今改縣

靈

傷痛也

曾滌笙唐確慎公墓誌銘

曾公有唐公七十一生日同人寄園詩序及送南歸序入本墓卷七卷十三

公諱鑑。號鏡海。唐氏先世。自江西豐城。徙居湖南之善化。四傳至諱煥者。以舉人官至山東平度州知州。公之祖也。生子仲冕。以進士即用知縣。官至陝西布政使。公之父也。平度君以子貴。誥贈通奉大夫。配李氏譚氏。俱封夫人。譚夫人歿。而葬於山東之肥城。布政君及配寧夫人。皆踵葬肥城。公以父命。徙籍山東。故又爲肥城人焉。少而邁異。精勤嗜學。如渴以廩生入賞爲臨湘縣訓導。嘉慶十二年。舉於鄉。十四年。成進士。改翰林院庶吉士。又二年。授職檢討。又六年。補浙江道監察御史。充甲戌科會試同考官。戊寅科順天鄉試同考官。坐論淮鹽引地一疏。吏議鐫級。以大部員外郎降補。會宣宗登極。詔中外大臣各舉所知。諸城劉文恭公鐸。還之薦公。由是有廣西知府之命。後再爲平樂府知府。一爲安徽徽寧池太廣道。量移江安十府糧道。拜山西按察使。遷貴州按察使。擢浙江布政使。遷江寧布政使。敷。古揚歷於外。蓋二十年。其守平樂也。享平民猗。造之獄而解其仇。屢磔。摘劇盜。境內肅然。是時布政君解組東歸。僑居金陵。公聞母病。卽引疾去官。省親江南。旣遭內外之艱。皆北葬肥城。廬墓讀禮。服闋。以例

仍發廣西。再守平樂。道光十二年。廣東湖南生獠爲亂。公出防邊圉。內譏奸宄。往來富川賀縣。安撫熟獠。獸擾而兒畜之。設立五原學舍。延師教讀。羣獠大悅。擒郡中煽亂者譚於先等十餘人。立斬以徇。而貫其脅從千餘。火其名籍。一無所問。其按察貴州也。平反疑獄。歸美令長。曰非吾能正之。某縣尹來省。自易之耳。其在江寧。拯災修廢。百度畢張。時總督陶文毅公樹寢疾。公代行使院政事。文牘如山。賓僚填咽。味爽而勤職。丙夜而不休。忘寢輟餐。形神交瘁。而言者乃劾其多病近藥。廢閣公事。又雜撫他端。以相訾毀。朝廷遣使者按問。率無左驗。宣宗知公端謹。一切弗論。忌者或憚其方嚴。未幾內召爲太常寺卿。道光二十年四月也。公潛研性道。宗尙洛閩諸賢。所至以是敕其躬。亦以牖於人。亦時時論著以垂於後。在翰林時。著有朱子年譜考異。省身日課。畿輔水利等書。在廣西著讀易反身錄。居喪著讀禮小事記。官平樂時。延納人士。入署親與講授。設立義塾。誨誘寒賤。官貴州時亦如之。官江寧亦如之。及入爲九卿。又著易牖學案小識等書。扶掖賢俊。倡導正學。時如今相國倭仁良峯。侍郎吳廷棟。竹如。

樂語亦不淹美

侍御竇垺

序同

蘭泉。何文貞公桂珍輩。皆從公考德問業。國藩亦追陪几杖。商榷

古今。觀其陋室危坐。精思力踐。年近七十。斯須必敬。蓋先儒堅苦者。亞時賢。殆不逮也。已而致仕南歸。主講金陵書院。文宗踐阼。有詔召公赴闕。凡進對十有五次。中外利弊。無所不罄。諭旨以其力陳衰老。不復強之服官。令還江南。矜式多士。公至金陵。學徒益盛。以賊犯湖南。急欲歸展先塋。咸豐三年。乃自浙還湘。卜居於寧鄉之善嶺山。深衣疏食。泊然自怡。晚歲著讀易識編。次朱子全集。別爲義例。以發紫陽之蘊。十一年辛酉正月十八日病卒。春秋八十有四。其家函封遺疏。郵寄東流軍中。國藩以聞。天子軫悼。予諡確愼。配王氏楊氏。皆封夫人。前卒。無子。以弟子爾藻嗣。女四人。適某某。孫男三人。某某。孫女三人。某年月日。葬公某縣某鄉某山。又八年。國藩始追爲之銘。銘曰。

俗學徇時。行與名釣。孰捐其華。而練其要。唐公翼翼。與世殊趨。懼明戒旦。篤信程朱。有譏其隘。或諷以迂。浩然不顧。履我康衢。顯皇初政。詔徵國老。造膝前陳。嘉謨要道。願致吾君。上躋軒昊。進退以禮。斂茲宏抱。宦遊所至。我求童蒙。晚居

京國羣彥景從。何才不育。有金皆鎔。以善孳善。偕之大同。播此芳韻。昭示無窮。

豐城

縣名屬江西

善化

卷七見

平度州

屬山東民國改縣

肥城

縣名屬山東

臨湘縣

卷七見

六部員

外郎

清官制六部皆設員外郎位在郎中之次因未分部故統言之

劉文恭公鑑之

統勳孫官至吏部尚書

平樂府

屬廣西

縣今廢

江安十府糧道

清江寧安徽接界之督糧道

敷歷

杜牧文敷歷中外

亭平

漢書酷吏傳振湯平亭疑法按亭均

也亦

廣東湖南生猺

清時廣東湖南設理猺同知所屬者為猺戶見清會典生猺未歸化之猺也

富川賀縣

皆縣名屬廣西

馴養

填咽

多也南史陶弘景傳資客填咽

味爽

將明未明之時

丙夜

半夜子時也

矜式

矜敬也式法也

東流

縣名屬安徽

翼翼

恭也

康衢

大路也四達曰衢

顯皇

文宗顯皇帝也

國老

卿大夫之致仕者禮王制有虞仕

氏養國老於上庠

軒昊

黃帝軒轅氏太昊伏羲氏

曾滌笙苗先麓墓誌銘○○○

君諱夔字先麓

鹿

肅寧苗氏自幼讀書即異常童不好為科舉文藝而竊嗜

六書形聲之學讀許氏說文若有夙悟精研而力索滯解而趣昭已又得顧處

士炎武音學五書慕之彌篤曰吾守此終身矣年二十餘即纂毛詩韻訂繼又

纂廣籀一編授徒窮鄉制藝試帖之屬不中有司程度學子稍稍引去君益冥

心孤往。子焉寡儔。閒之河間城外。得漢時君子館。輒又得開元瓦於獻王墓旁。私獨欣喜。以爲神者餉我。以慰寂寞。久之。道光十年。縣令王君聞而敬異。聘君主講翼經書院。明年。爲學使沈侍郎維鎬平老切所知。舉辛卯科優貢生。高郵大儒王氏念孫父子。聞君之說。禮先於君。遂與暢論音學源流。由是譽望日隆。督學使者爭欲致之幕下。與共衡校。初隨編修汪君振基。衡文山西。繼隨祁文端公。嵩藻。衡文江蘇。所至甄拔宿儒。周覽山水。又以其暇編摩撰述。從事於其所謂聲韻之學。道光二十一年。祁公還京師。乃釀其唐切金刻君所著說文聲訂若干卷。說文聲讀表七卷。毛詩韻訂十卷。建首字讀一卷。君以爲許叔重遺書。多有爲後人妄刪或附益者。乃訂正說文聲類八百餘事。顧氏音學所立古音表十部。宏綱已具。然猶病其太密。而戈麻既雜西音。不應別立一部。於是併耕清及蒸登於東冬部。併歌戈於支脂部。定以七部。鑿隱括梏羣經之韻。書出。識者歎其精密。又數年。侍讀馮君譽驥視學山東。國藩薦君偕往。役未畢而先歸。於是君亦齒衰而倦遊矣。道光之末。京師講小學者。卿貳則祁公。及元和吳公鍾

疏落有致而結構乃自謹嚴

難以談語傾不板滯

駿庶僚則道州何紹基子貞。平定張穆石舟。晉江陳慶鏞頌南。武陵胡焯酌光。伯光澤何秋濤願船。君既習於祁公。又與諸君傾抱寫誠。契合無間。子貞嘗命工圖已及石舟及君三人貌。蓑笠而處田間。蓋三人者皆同年優貢。又皆有逸士之風。謂宜與負耒者伍也。君既泊然無營。暇則徒步造訪諸君。與辨論前世音學。暨近人江戴段孔諸家。部分之多寡。意指之得失。褒譏亭決。窮日夜不倦。閒亦過余劇談。歸自山東。余從容問東士亦有研究說文者乎。有得見吾子著述者乎。曰。有之。何以知之。曰。吾書中有自稱夔按云者。東人稱引及焉。曾不知夔之爲誰氏名也。則相與拊掌大笑。君徐又曰。吾家有僮。僮昨者日晏。吾責豎子何不具食。僮輒報以錢物罄矣。欲以何具。吾柔聲謝之。僮乃不遜竟去。吾今方躬治爨耳。則又相與大笑。蓋君處困約。有以自怡如此。他日君又語余曰。吾窮於世久矣。甘之若飴。死無所恨。獨平生著書。尙有數種。未及刊刻。不能無耿耿於懷。自余咸豐初出京。展轉兵閒。至同治七年。重入都門。昔之與君遊者。十人蓋八九死。君之嗣子玉璞來告。君以咸豐七年五月初七日逝矣。春秋七十

銘詞亦古機

有五抱君所著書曰說文聲讀考者曰集韻經存者曰韻補正者曰經韻鈎沈者述君遺命謂當送國藩觀覽且以銘墓之文相屬君且死戒其子必葬我衆書叢中其子乃擇君生平尤嗜之書納諸棺中以殉嗚呼斯亦篤古之徵已銘曰

視以多歧而嘗蒙聽以雜奏而聾技之精者不能兩工苦思專壹可與天通課形而得聲勘異而得同黜陟百氏惟許君是崇胡學之旁達而遇之不豐抱此孤賞永奠幽宮

肅寧見上六書形聲許氏說文顧炎武見並詳君子館三輔黃圖獻王嘗設客

此館特其一又河間府志府北三十里堡有毛萇祠距祠二三里有村曰君子館祠內掘得石碑有明道於君子館設教於詩經邨之語似此館專以屬毛萇者甄文有君子

二獻王名德漢景帝子河開元瓦當是漢瓦開元云者念孫父子念孫字懷祖清

石曜先生乾隆進士通聲音訓詁之學撰廣雅疏證讀書雜誌子

引之字伯申嘉慶進士能傳父學成經義述聞經傳釋詞等書醪禮禮器周禮其猶

曾滌笙翰林院侍讀學士丁君墓誌銘○○○

飲酒今但叔重許慎隳梧正邪曲之器亦作欂櫨俗嘗目不

作合錢意

君諱善慶。字伊輔。號養齋。丁氏。世居清泉之白沙里。幼孤。從母劉太淑人。育於外王父劉文恪公家。自少而好。惡欣戚不主於己。惟母志之從。長亦如之。終身亦如之。久處京師。寄籍宛平。由順天府學生中式。道光壬午科舉人。明年癸未成進士。選翰林院庶吉士。散館授編修。其歷階爲國子監司業。詹事府右中允。左中允。右庶子。翰林院侍講學士。其任職爲國史館總纂。庶常館提調。文淵閣校理。奏辦院事。日講起居注官。其使事爲戊子科貴州鄉試正考官。辛卯科廣東鄉試正考官。乙未科會試同考官。其秋順天鄉試同考官。丙申以後迭爲廣西學政。君雖闇然自飭。無所矜異。宣宗嘗從容問翰林中孰爲篤學。曹文正公舉君以對。天子旣異之。在廷名卿耆德亦多稱歎。以爲令僕之器。歲月可冀。君以母老懷思鄉里。歸自廣西。遂解官。養親於長沙。早歲事母執爨必躬。漸必絜同潔。至是益加謹焉。母或加餐輒喜述諸人以爲至幸。或有饋賜輒豐其好。貨端篋而將之。或體中不適則憂皇如不終日。或意有不懌則長跪引咎。旣解乃起。或將他適則先於其所往。百物畢濟。所欲立應。室無纖埃。庭無高語。一

學子之心揣測盡致

所謂求忠臣於孝子之門者也

身肅戒舉家兢兢宦游餘財爲其弟所耗君則經營置產以覆弟短而悅母心舅氏劉若珪謫官遠戍君又傾其前產以贖舅罪而慰母於地下蓋畢生孺慕自順親外不知天地更有何事也母沒數年而廣西寇賊大起咸豐二年秋攻圍長沙君矢死堅守寓書其弟曰城陷弟收吾骨於桂樹旁井中矣日夜令其子馴巡警周垣馴以勞致疾妻蔡氏封股療之不愈遂卒君乃曰兒致身衛國婦刲肉救夫吾門之祥也吾母幸而考終吾身若家皆可殉難尙何惜哉賊退則趣治戰船以濟水師立共武社使諸生與衆練卒肄習火器事上議敘加三品銜論者謂謹厚如君乃能臨危應變如是爲不可測也同治八年六月十五日卒於家春秋八十其年十一月十六日葬於北關外洪山渡饗堂坑

字典無

莊山之陽曾祖某祖某父某皆贈中憲大夫曾祖妣氏某祖妣氏某贈恭人妣氏劉累封恭人晉贈淑人旌表節孝配陶氏繼配周氏妾呂氏生子馴早卒乃以弟之子驊華爲後妾廖氏生子驥達女六人孫四人焯酌煥萱煒衍皆驊出煥復出爲馴後女孫二人君之學詳於治經尤嗜易春秋著有左氏兵論主

講嶽麓書院二十餘年。以洛閩正軌陶鑄羣弟子。亦頗參陰德感應之說。警發愚蒙。生徒翼翼。無敢軼踰法度。庶幾以身教者。銘曰。

不斷不礪。不揭己以爲崇。公以校士。毅以卽戎。勇以辭祿位。而誠以啓羣蒙。皆以仁孝爲之本。本立而用自不窮。老成逝矣。康此幽宮。

清泉

縣名。舊與衡陽並爲湖南衡州府治。民國併入衡陽。

劉文恪

名權之。號雲房。湖南長沙人。官至大學士。

宛平

縣名。屬河北。舊爲順天府治。

曹文正

名振鏞。字儷室。安徽歙縣人。官至大學士。

令僕

謂尙書令與僕射也。晉書殷浩傳。浩有德有言。向使作令僕。足以儀刑百揆。

先於其

所往

(孟子)則君使人道之。出疆又先於其所往。齋行裝也。

中憲大夫

清正四品文階封職。

恭人

四品

淑人

三品

嶽麓

書院

在湖南長沙嶽麓山下。宋張栻朱熹講學其處。後爲書院。課士之所。

曾滌笙戶部員外郎彭君墓表

君諱永思。號兩峯。世居湖南長沙。少而峻整。自將。忱恂縝栗。訥訥。如不能語。事至則割晰毫釐。枝分縷解。辨窮萬變。而斷以片言。長老往往驚異。以爲吏才。天所授也。年三十二。以嘉慶五年庚申舉於鄉。十四年己巳成進士。卽用知縣。明年署雲南嵩明州知州。斷獄八百。民譽翺洽。徙補楚雄縣。楚雄故附郭劇邑。

君至。一以治嵩明者治之。訟牒入。立判紙尾。期以某日質訊。出則聽民遮道。自言。停輿研鞫。前者辭窮。後者大畏。或就逆旅操筆定讞。華且判且詰。決遣如神。尤善爲離參之法。離參者。如欲知豆價。則先以麥問甲。次以稻問乙。次以粱問丙。離其事。異其人。而旁參之。然後進退以定豆價。百不失一。君用此術多。奇中他人效之。亦不能得民情僞也。大吏以君既政成。常使兼聽鄰縣之訟。大姚有薛繼賢者。殺人獄成。省中覆覈。則詭辭翻異。問官數易。爰書數十易。終不能決。君訊之七晝夜。卒以參鞫其子。乃得情實。論決如律。某官解餉銀至省。發封則失銀而得數石。以獄屬君。君察石有蟲齧。五結切痕。非道途閒物。因問輦運之卒。寧覺馱負左右。敲獨乎。頗憶敲側始何日乎。卒對某日過某店。始覺右敲。君自省返楚雄。挾此獄與卒與石俱行。途中雜采羣石較之。皆不類。至某店。得石與蟲齧者類。一鞫而伏。遂抵旅店。主人於法。五侯神者。不知所起。淫祀也。土民與江西客商爭祀。構訟數十年。君以黷。獨祭宿獄。終無已時。令舁。余神像至縣庭。取筆判八字曰。爾像不滅。訟端不絕。立飭吏卒。摔聲存入而毀之。兩造相顧愕。

切答去聲而散。蓋君之明而能斷類如此。嘉慶十七年大姚令上變。告烏龍口

有衆數千。嘯聚爲亂。郡守夜召君問策。君立與區畫。草數書抵旁縣。戒勿輕動。遣數人僞與賊暱者。風使解散。而潛發輕兵掩捕。擒七十人。罪數人而事定。於是遠近又歎君才堪濟變也。在滇六年。凡三署大姚。四署廣通。兩署南安州。再爲鄉試同考官。上官方以治行卓異薦君。而君以父命不樂久爲吏。遂援例改就京職。官戶部員外郎。貴州司行走。兼管廣東司。議蠲古玄切逋賦。釐定才何切。政多所匡贊。道光二年。丁家艱歸。自是山居二十載。養母教子。收族振貧。祭田義渡。凡諸善舉。皇然如有失而急圖之。陶然與販夫農父相狎。自忘其爲宰官之身。人亦忘之。亦愈敬之。道光二十二年八月二十一日以疾卒。春秋七十有四。曾祖從美。祖必化。余支切贈奉直大夫。考勝桂。誥封奉政大夫。以五世同堂獲旌於朝。祖妣氏范。妣氏黃。皆封宜人。君之配黃恭人。以賢孝特爲舅姑所倚。嘗一從夫雲南官舍。而未及從宦京師。凡綜理彭氏家政。七十餘年。敕始秘終。內外秩秩。室靡棄物。里無違言。娣婦有先亡者。叔早逝者。撫其諸子女公早